

REPUBLIKA E SHQIPËRISË
PROKURORIA PRANË GJYKATËS SË APELIT TIRANË

U D H Ë Z I M I P Ë R G J I T H S H Ë M

NR. 01 datë 11.08.2022

**PËR ZBATIMIN E UDHËZIMIT TË PËRGJITHSHËM TË PROKURORIT TË
PËRGJITHSHËM NR. 02 DT. 29.07.2022 "PËR REKOMANDIMET
PRIORITARE NË LUFTËN KUNDËR KRIMINALITETIT PËR VITIN 2022
NË PROKURORITË E JURIDIKSIONIT TË PËRGJITHSHËM"**

Neni 1

Qëllimi

Qëllimi i këtij udhëzimi të përgjithshëm është për të lehtësuar zbatimin e udhëzimit nr.02 dt 29.07.2022 të Prokurorit të Përgjithshëm nxjerrë mbi vendimin e Këshillit të Ministrave nr.304 datë 11.05.2022 "Për miratimin e rekomandimeve prioritare në luftën kundër kriminalitetit për vitin 2022 ", (depozituar në Prokurorinë e Apelit më datë 04.08.2022) për ndjekjen dhe zbatimin e tyre, bazuar në nenin 10 të udhëzimit lartpërmendur, gjithnjë duke respektuar pavarësinë e brendëshme të prokurorëve për përfaqësimin dhe ndjekjen penale sipas ligjit,

Neni 2

Objekti

Përcaktimi i masave administrative që duhet të merren për realizimin e përparësive që sigurojnë zbatimin e rekomandimeve prioritare, në kompetencë të Prokurorisë së Apelit Tiranë.

Përcaktimi i masave proceduriale lidhur me mënyrën e vlerësimit të ndjekjes dhe zbatimit të rekomandimeve prioritare që çojnë në rritjen e efikacisë në luftën kundër kriminalitetit për vitin 2022.

Përcaktimi i mënyrës dhe formave të komunikimit mes prokurorëve me drejtuesin e prokurorisë, për monitorimin e zbatimit të rekomandimeve prioritare për problematikën që rezulton gjatë gjykimit të çështjeve në Gjykatën e Apelit Tiranë.

Neni 3

Masat administrative

3.1 Shpërndarja e udhëzimit nr.02 dt 29.07.2022 të Prokurorit të Përgjithshëm nxjerrë mbi vendimin e Këshillit të Ministrave nr.304 datë 11.05.2022 "Për miratimin e rekomandimeve prioritare në luftën kundër kriminalitetit për vitin 2022 ", për njohjen dhe vlerësimin nga ana e prokuroreve dhe stafit mbështetës të Prokurorisë së Apelit Tiranë dhe organizimi i mbledhjes për diskutimin dhe dhënien e mendimit të tyre lidhur me masat, aktivitetet dhe mënyra e zbatimit të tij.

3.2 Brenda 10 ditëve nga mbledhja e prokurorëve, (e cila do të zhvillohet në muajin shtator 2022 për shkak se prokurorët e Prokurorisë së Apelit Tiranë, kanë planifikuar lejet e zakonshme dhe nuk janë prezent së bashku gjatë kësaj periudhe) të realizohet përgatitja e planit të veprimit për vlerësimin e masave dhe aktivitetet në afatet e përcaktuara për zbatimin e rekomandimeve prioritare në Prokurorinë e Apelit Tiranë.

3.3 Njohja me këtë Plan Veprimi Prokuroreve të Apeli dhe stafit mbështetës.

3.4 Informimi në Prokurorinë e Përgjithshme (Sektorin e Monitorimit në Drejtorinë e Koordinimit Institucional), në mënyrë periodike çdo tre muaj, dhe sa here kërkohet, për ecurinë e masave administrative e proceduriale, përpjekjeve dhe progresin e arritur në zbatim të secilit prioritet të rekomanduar, të shoqëruara me tregues statistikore të saktë e analitik dhe me shpjegime të qarta mbi angazhimet, arritjet dhe problematikat, dhe si ka ndikuar zbatimi i tyre mbi gjëndjen e kriminalitetit në prioritetet e rekomanduara.

3.5 Analiza në mënyrë të detajuar, në raportin vjetor të punës së prokurorisë, për zbatimin e rekomandimeve prioritare në prokurorinë e Apelit Tiranë, lidhur me arritjet, problematikat dhe si ka ndikuar zbatimi i tyre mbi gjëndjen e kriminalitetit në drejtimet e rekomanduara.

3.6 Prokurorët të jenë aktive në trajnimet që zhvillohen nga Shkolla e Magjistratures, dhe të tjera të organizuara si nga institucione e organizata kombëtare/ndërkombëtare apo dhe trajnime të përbashkëta me fokus në luftën kundër korrupsionit, krimit të organizua dhe mjedisit me agjensitë e zbatimit të ligjit.

Drejtuesi do të marrë masat e nevojshme për ngarkesën e punës në mënyre që të respektohen datat e zhvillimit të seminareve.

Këtu duhet të jenë në vëmendje të prokurorëve dhe mundësia e përzgjedhjes së programeve trajuese për çështjet prioritare, dhe mbetet rol i drejtuesit të verifikojë dërgimin në kohë pranë Shkollës së Magjistraturës së programit të zgjedhur.

3.7 Prokurorët të jenë aktivë në mbledhjet tematike që zhvillohen periodikisht nga Drejtuesi, duke prezantuar në këto takime problematikat e evidentuara gjatë veprimtarisë së përditshme, veçanërisht ato që lidhen me rekomandimet prioritare.

Neni 4

Masat proceduriale

4.1 Mbikqyrja e respektimit të parashikimeve të Udhëzimit të Prokurorit të Përgjithshëm Nr.11/2020, mbi mënyrën e informimit të Drejtuesve në Prokurori, dhe të Rregullores "Për organizimin dhe funksionimin e Prokurorisë pranë Gjykatës së Apelit Tiranë" si në lidhje me qëndrimin e prokurorit për masat e sigurimit ashtu dhe me çështjet e themelit, për veprat penale prioritare të rekomanduara sipas ligjit dhe në kuadrin e forcimit të mekanizmit të kontrollit dhe llogaridhënies, duke garantuar paanshmerine dhe shmangien e çdo lloj influence apo ndikimi ndaj prokurorit gjatë gjykimeve në drejtimet prioritare të rekomanduara në nenin 7 "Masat proceduriale të prokurorit" e Udhëzimit të Përgjithshëm nr.02 datë 29.07.2022 të Prokurorit të Përgjithshëm.

4.2 Prokurorët, në respektim të pavarësisë së tyre të brendëshme, të mbështesin rastet e gjykimeve të drejtëpërdrejta dhe zbatimin e insituteve proceduriale penale, duke vlerësuar kushtet dhe kriteret ligjore dhe synimet prioritare të rekomanduara.

4.3 Marrja e masave administrative nga ana e Sekretarisë së Prokurorisë së Apelit përgjegjëse për mbajtjen e regjistrit, me qëllim evidentimin e rasteve të gjikimit të çështjeve prioritare në regjistrat perkates, duke pasqyruar ecurine e çështjes, dhe kontrolli në vazhdimësi për saktësinë e të dhënave të regjistruara, administruara. Po kështu edhe bashkëpunim në mënyrë sistematike me kancelarin e Gjykatës së Apelit.

4.4 Të kihet në vëmendje të K/sekretares së Prokurorisë së Apelit, dërgimi në afat në Prokurorinë e Përgjithshme, dhe jo vetëm, me synim përmirësimin e koordinimit institucional në lidhje me raportimin e të dhënave statistikore, që lidhen me progresin e integritetit të vendit në drejtimet prioritare të rekomanduara.

4.5 Verifikimi sistematik i ecurisë dhe përfundimit të çështjeve në gjykim për veprat penale prioritare të rekomanduara, duke monitoruar në veçanti, afatet procedural në Gjykatën e Apelit lidhen kryesisht me afatet e paraburgimit. Në këtë rast koordinimi me kancelarin e gjykates për t'ju dhënë prioritet gjykimin të këtyre çështjeve.

4.6 Organizimi i takimeve periodike me prokurorite e tjera veçanërisht ato të rrethit gjyqësor që janë në juridiksionin e Prokurorisë së Apelit Tiranë, kur kjo kërkohet ose për veprat penale prioritare të rekomanduara, me qëllim evidentimin e problematikes lidhur me këto çështje që rezultojnë gjatë gjykimit.

4.7 Të tregohet kujdes dhe vëmendje nga prokurorët për zbatimin e rekomandimeve të pasqyruara në vendimin e Këshillit të Ministrave nr.304 datë 11.05.2022 "Për miratimin e rekomandimeve prioritare në luftën kundër kriminalitetit për vitin 2022", për të kërkuar sipas rastit aplikimin e dënimeve alternative kryesisht në veprat penale dhe autorët me rrezikshmëri të ulët shoqërore, veçanërisht tek të miturit, personat vulnerabel dhe ata me probleme shëndetësore si dhe masave të sigurimit alternative.

4.8 Në raport me theksin që vihet tek Rekomandimet për veprat penale dhe autorët me rrezikshmëri të lartë shoqërore, e sidomos në fushën e korrupsionit, krimit të organizuar, në fushën tatimeve dhe mjedisit, prokurorët të mbajnë në vëmendje ashpërsimin e masave të sigurimit dhe dënimeve.

4.9 Rritja e cilësisë së përfaqësimit dhe akteve për procedimet për veprat penale të pastrimit të parave dhe produkteve të veprës penale, çështjeve në fushën e krimeve financiare, shpërdorimit të fondeve publike, pastrimit të parave.

4.10 Vijimi i zbatimit të masave për përmbushjen e rekomandimeve të Moneyval për pastrimin e parave/luftimin e financimit të terrorizmit, bashkëpunimin me Eurojust, identifikimi i rasteve dhe ashpërsim i politikës penale për të tilla çështje, në respektim të parashikimeve të Udhëzimit të Përgjithshëm nr. 02, datë 29.07.2022 të Prokurorit të Përgjithshëm, mbështetja e ankimeve të prokurorëve të shkallës së parë për rastet të tilla.

4.11 Përgjigje në kohë e letërkërkesave të Eurojust dhe autoriteve gjyqësore të vendeve të tjera.

4.12 Në aspektin e respektimit të lirive të personave, ndaj të cilëve ushtrohet ndjekja penale, të mbahet në vëmendje garantimi i respektimit të të drejtave që u njeh ligji procedural penal në aspektin e njohjes me akuzat, materialet e çështjes dhe të komunikimit procedural me palet.

4.13 Në kuadrin e respektimit të të drejtave dhe lirive themelore të personit, prokurorët e Apelit Tiranë, duhet të mbajnë në vëmendje afatet e shuarjes së masave të sigurimit për shkak të mbarimit të dënimit, si dhe afatet e gjykimit të çështjes në Gjykatën e Apelit.

4.14 Evidentimi i problematikave do të bëhet me qëllim grupimin e tyre dhe informimin e Prokurorit të Përgjithshëm në raportimin periodik që kërkohet sipas Urdhërit të Prokurorit të Përgjithshëm nr. 02 datë 29.07.2022.


Neni 5
Hyrja në fuqi

5.1 Ky udhëzim i përgjithshëm është i detyrueshëm për zbatim nga prokurorët dhe të gjithë nënpunësit e tjere të administratës të Prokurorisë së Apelit Tiranë.

5.2 Ky udhëzim i përgjithshëm hyn në fuqi menjëherë.

DREJTUES I PROKURORISE

Genti XHOLI

A large, stylized handwritten signature in black ink, likely belonging to Genti Xholi, is written over a large, empty oval shape.